

28. april

**Nunatsinni ujaqqanik pinneraasiassanik aatsitassanillu katersisinaanermut kiisalu annikitsumik aatsitassarsiorluni ujaqqanik pīaanissamut akuersissum-mik tunniussinissamut inatsisitigut immikkut aalajangersaanissamut UPA 2017-imi suliniuteqaqqullugit Naalakkersuisut Inatsisartut aalajangiiffigisassaattut siunnersuut.**

(Inatsisartunut ilaasortaq Anthon Frederiksen, Partii Naleraq)

Siumumit, Inatsisartunut ilaasortap Anthon Frederiksenip ujaqqanik pinneraasiassanik nunatsinneersunik kiisalu annikitsumik aatsitassarsiorluni ujaqqanik pīaanissamut akuersissummik tunniussinissamut inatsisitigut immikkut aalajangersagaqalernissamut aappaagu upernaakkut ataatsimiinnissamut Naalakkersuisut Inatsisartunit peqquneqarnissanik siunnersuutaanut, ima oqaaseqasaaqut:

Siumumit, annikitsumik ujaqqanik pinneraasiassanik aatsitassanillu pīaasinnaanermut akuersissutaatillit aammalu atuiniarlutik aallarnisaaniartut tapersorsorpagut.

Siumumiimmi upperaarpur aatsitassarsiorneq kiisalu pinngortitap tunniussinnaasai uumaatsut allat aammalu uumassusillit atorlugit nunatta Naalagaaffinngoriartornermini aningaasaqarnikkut naalagaaffimmit bloktilskudiniq tunineqartarnitsin-nik annikillisisiartuaarnitsinni aqutissatta ilagigaat.

Taamatuttaaq aqutissatta ilagaat soorlu siunnersuuteqartup eqqaasai, annikitsumik aatsitassarsiorinnaanermik akuersissuteqartut aammalu pinneraasiassanik nunamit qalluisartut.

Siumumiit siunnersuuteqartup siunnersuutaa immikkut aalajangersagaqalernissaq tunngaviusumik tapersorsorpaa. Aammalu Siumumiit maluginiarparput Naalakkersuisut akissummini eqqaagaat UKA2016-imi Aatsitassanut ikummatissanullu inatsisip iluani annikitsumik pīaasinnaanermut akuersissutillik pitsaanerusumik sinaakkusersorniarlugit saqqummiussinialersaarmata. Taamaalillutik innersuussutigaaq siunnersuutip itigartinneqarnissaa.

Siumumiit sinaakkutissatut pitsanngorsaatissat ukiaru Naalakkersuisunit saqqummiunneqarnissanut isumalluarluta siunnersuut una itigartikkatsigu oqaatigissavara.

Ineqi Kielsen, Siumut